

ներուն մեջ²: Ավելի վերջը Փարիզէն բերել տված նոր մեքենաներով արդիական տպարան մը հիմնեց Ղալաթիո ս. Գրիգոր Լուսավորիչ եկեղեցիին ճիշտ դիմացը քարաշէն շէնքի մը մեջ (1856): Այս նոր մեքենաներով տպեց Միհրան Տյուզ պեյի կողմէ հղացված քոնստիտուցիոն (պետական փոխառութեան պարտատոմսերի) 26 մայիս 1856 թ., 1000-նոց և 100-նոց արծեթուղթերը («Թահվիլաթը մյումթագե»), 1857 թ., մաքսատան տնօրէն Մկրտիչ Ճեզայրլեան էֆենտիի կողմէ հանձնարարված պետական պաշտոնաթուղթերն ու ազլուսակները: Երբ կառավարութիւնը նոր որոշմագիրով մը թղթադրամները շրջանառութենէ հավաքեց, հատկապէս այդպիսի գործերու համար բերված մեքենաներն ու կազմածները այլևս պիտանի չեղան, մեծ պարտքերու մեջ միբռնված Մյուհենտիսյանը ստիպված եղավ փակել իր տպարանը: Այս դեպքէն վերջ ան դիմեց նշանավոր գեղագիր և Ռումելիի գլխավոր դատավոր Մուսթաֆա Իզզեթ էֆենտիին (1801—1876) և, անկէ «նեսիհ» գիրբերու օրինակներ առնելով, փորագրեց անոնց «արական» կաղապարները:

Այսպիսով, օսմանյան ժամանակաշրջանի տպագրութեան բնագավառին մեջ գործածված տառերն ալ սուլթան Ազիզի օրով գտան իրենց վերջնական ձևերը:

Մյուհենտիսյանի ձուլած կաղապարները օգտագործվեցան մինչև լատինական տառերու ընդունման տարիները: Մյուհենտիսյանն իր ստեղծած «նեսիհ» տիպի տառերով տպագրեց թուրքերէն լեզվով բանաստեղծութիւններու ժողովածու մը և ներկայացուց ժամանակի պետական ավագանիներէն ոմանց: Եպարքոսը եղելութիւնը բարձր գրնահատեց և Մյուհենտիսյանին ըսավ. «Դուք հոյակապ հիշատակ մը նվիրեցիք, ազգովին պետք է ձեզ շնորհակալ ըլլանք»:

Հովհաննէս Մյուհենտիսյանը նոր ձուլարան մը հիմնեց Գատըրգյուղի իր տան պարտեզին մեջ և հորինած տառերու կաղապարներով պատրաստեց նաև «Վարաքալի Սահիհ» (Վավերացված դրոշմանիշներ) կոչված դրոշմաթուղթերու կաղապարները: Այս կաղապարները կը նսեմացնէին այդ ժամանակաշրջանին Եվրոպայի մեջ պատրաստված կաղապարները: Մյուհենտիսյանը 76 տարեկանին փորագրեց 16 համարի «նեսիհ» տիպի (1886) 79 տարեկանին 6 համարի «նեսիհ» տիպի (1889) և 81 տարեկանին ալ, այսինքն իր մահէն քանի մը օր առաջ, ձեռագրատիպ 24 համարի տառերու պողպատյա «արական» կաղապար-

² Başbakanlık Arşivi (Վարչապետարանի Արխիվ), ներքին գործերու հրամանագիրներ, 4623, 30 հոկտեմբեր, 1844: